



民國佛教期刊文獻集成

任繼愈題



民國佛教期刊文獻集成

任繼愈題

第150卷



海潮音

全國圖書館文獻縮微復制中心

中華民國郵政局特准掛號認爲新聞紙類

佛教月刊

海潮音

李開先書

海潮音第二年第二期要目

● 圖像

山西大同石佛寺附近之穴居
喇嘛寺喇嘛宮殿與喇嘛僧

● 獅子吼

行為主義之佛乘

佛學緒言

悲 華
慧 音

● 象王行

佛教之僧自治

寧波佛教孤兒院第二屆報告序

悲 華
圓 瑛

● 專門學

唯性論

釋善因造
慧覺居士校

● 大事記

湖北庚申講經會紀略
佛教庚申年鑑之一

慧 滿

● 評論壇

荀子論

太 虛

● 研究室

讀一行居集

弘 願

復黃謙六書

弘 願
太 虛

江謙居士自定日課

佛學大辭典例言

丁福保

● 史傳館

日本密教高祖弘法大師傳

● 調查隊

(名目繁多)

● 文字相

致皖鐸主筆 啟建大懺悔壇導言 李太夫

人生西週年祝文 佛學叢書序 法苑詩林

● 言說林


佛教救苦會演劇演說

釋志圓


徹十方弟子啟

章太炎

居穴之近附寺佛石同大西山



喇嘛宮殿喇嘛



喇嘛寺





獅子吼

行爲主義之佛乘

慈華

佛說佛學、佛理、佛法、佛乘之五個名詞。學說與理都是差不多。法字雖較爲涵蓋。但也不如「乘」字之妙。因爲「乘」字有圓轉恒運普容宏載之意義。不惟是靜定之理性。亦復是「活動之事實」。故「乘」有教乘、理乘、行乘、果乘之四分。而最足表明「佛之因果」之特徵。因爲「人乘」「天乘」以享受福樂爲果。聲聞乘、獨覺乘以涅槃爲果。菩薩則不以「靜定的理性」——涅槃——爲果。尤不以愛著的享受的福樂爲果。但以「動靜一如」「理事不二」的「無上菩提」的「大悲方便」的「佛」爲果。所以佛乘的果祇是盡未來際。利樂衆生無有窮盡。是永不住着理性的。是容載轉運皆卽是理性的。是之謂「萬行究竟堅固」。然欲成此「萬行究竟堅固」之佛果。須照樣修習「萬行堅固之佛因」。最能修習此種佛因者。便要算「我們人道的衆生」。後來吾人爲佛教徒者。大都只知以「享受福樂」或「靜定理性」爲果。所以無論其所修者爲律爲教爲密爲禪爲淨。皆祇要解脫生死。證得涅槃。故皆沒有活潑變動之圓轉恒運之行爲。有之皆是拋棄羣生廢事失時之法。墮在人天聲緣乘內。絕少能修習佛乘的「因行」者。

吾人能實際修爲之菩薩行。故無論或重「理解」或重「證悟」到如何圓妙。都只空理。不成事實。至近今乃更加厲。通行到一般智識階級中。或認佛法爲達到「本體」的哲學。或則但認一句「禪謎」或則但守一句「佛名」。或則但以「佛的經書形像數珠木魚蒲團」等項爲佛事。而不悟盈人間世。無一非佛法。無一非佛事。所以人人能修習之菩薩行。益加廢而不舉矣。此由皆是悔過的厭惡的怠惰的心理發心。不是從精進的勇猛的慈悲的心理而發心。故若只以百事不爲爲學佛。則學佛之極。不過等於土石。若以經卷木魚禪謎佛名等物。排遣光陰爲學佛。則學佛不過等於琴棋詩酒。若祇以速還本體。速了生死爲學佛。則佛與外道或小乘便也無別。吾確見現時學佛的人漸多。大都迷背佛乘。不修習佛之因行。不知一切有益人羣之行爲。皆佛之因行。反厭惡怠惰。其流弊將不可勝言。故大聲疾呼敢爲之告曰。吾人學佛。須從吾人能實行之佛的因行上去普遍修習。盡吾人的能力。專從事利益人羣。便是修習佛的因行。要之凡吾人羣中一切正當之事。皆佛之因行。皆當勇猛精進積極去修去爲。廢棄不幹。便是斷絕佛種。故佛乘的經書。皆注重人羣。實際上利他行爲者。試舉幾個例於下。

(一)法華行

法華所注重之因行。卽是隨喜、讚誦、解說、兼行六度、正行六度之五種法師功德。與安樂行品所言之安樂行、兼行六度。是尙以專說法華經爲主。正行六度。則專在行六度矣。

六度中。第一便是布施。財物身命。一切能施。乃法施無畏施。一切實行。隨喜讀誦解說。雖專指法華經言。然法華爲融攝世出世間一切法。皆爲開示悟入佛之知見之妙法。資生事業。皆不違實相。故隨喜者。卽與人類與一切衆生。凡有利益之事。無不歡喜贊助成就之謂也。讀誦者。對於一切有益於人有益於衆生之學說之教義。靡不受持宣傳之謂也。解說者。對於一切有益於人有益於衆生之法力。爲增進發明之謂也。故皆是爲實際上有益於人間世之善業而已。

（二）信心行

如大乘起信論之信成就發心。及修行信心。其解說修何等行得信成就。則（一）信業果報。（二）能起十善。（三）厭生死苦。（四）欲求無上菩提。（五）供養諸佛。其廣說修行以成信心。則分五門。其修施門。若見來求索者。所有財物。隨力施與。以自捨慳貪。令彼歡喜。若見厄難恐怖危逼。隨已堪任。施與無畏。若有衆生來求法者。隨已能解。方便爲說。不應貪求名利恭敬。惟念自利利他。迴向善提。故其修精進行。尤須勇猛無間。以修習一切與人有益之事。耐勞忍苦。常不休息。

（三）維摩行

示居塵勞之內。現有五欲疾病等事。因事說法而爲種種呵斥。種種稱讚。破人執著。起人信樂。於種種衆生類中。以爲上首。廣行六度四攝。而創造淨佛國土。


(四)上品行

無量壽佛經。上品往生之行。皆須孝順父母。本生父母。而推至一切世來。六道衆生。展轉皆爲父母。敬重三寶。讀誦大乘經典。解見法華行。濟度一切衆生。要之皆須實行大悲救世之菩薩行而已。



凡此皆非甚高不可及之事。莫不是就吾人之已能了知佛理者。使實際上依之歷事造修之行也。此吾人當實踐修習之大乘行。大要不外六度四攝。其根本則在慈悲喜捨。今佛法漸已普及人間。世一般人類。故亟須了解在人間世普通當修之佛的因行。以免不學佛。則溺於塵世之欲。一學佛。則沉於枯寂之厭也。佛的因行。以敬信三寶。報酬四恩。恩。師長恩。聖賢恩。衆生恩。爲本。隨時代方國之不同。而有種種差別。畧分如下。

(甲)戒除者

(子)第一類當除之十惡




(丑)第二類當除之十惡



獅子吼 行爲主義之佛乘

(乙)可行者



當戒除者。應戒除之外。其餘可行者。在相當之時代方國之下。皆必隨所應爲者而爲之。不應放廢而不爲也。慈善之事之當勤行。更不待言。若能敬佛法僧。信業果報。努力精進。

以行壺有益於人羣之善事。隨喜眞如性。不昧菩提心。則卽是修菩薩行。亦卽是成佛之因行也。

佛學緒言

慧音

余自皈依三寶。深痛從前種種學問。種種行爲。無非顛倒夢想。思從我佛討一究竟。友人多竊議之。曰。佛理之妙。清淨寂滅而已。果欲學佛。當離別妻子。逃之深山大澤中。不與人世相往來。灰其身滅其智而後可。否則身驚塵緣。心游清淨。無有是處。余笑應之曰。唯唯否否。不然。若子之言。是必欲世之人離妻別子。遠其室家而後佛可學也。一切衆生。倘生有自來。大慧大勇。一斷一切斷。豈非如來出世本願。而惜乎其未能也。衆生自無始以來。本性雖一。習染實有重輕。習染有重輕。根器亦因之大異。烏得以一格相繩。我佛慈悲。契經十二部。無非應機說法。並許在家出家。皆可成佛。維摩詰示現有妻有子。而神通之廣大。與出家之釋迦牟尼佛。未嘗相讓。至唐之李方山長者。宋之王龍舒居士。皆爲在家菩薩。毋論也。善乎靖如居士之言曰。「在家居士發菩提心。隨緣不變。亦能斷惑證果。且不離塵緣。宏法較易。故佛法之傳播。輒於叢林樹正法之良規。而名園精舍。別開道場。廣延法會。亦在所恆有。」且所謂灰身滅智。亦非我佛之無上法門。考教典相傳。原有小乘大乘二派。小乘以寂滅爲究竟。見人生生死死。死死生生。轉流六道。皆由無明惑業造之因。必滅其因。始滅其果。因果經云。「無明滅則行滅。行滅則識滅。識滅則名色滅。名色滅則六入滅。六入滅則觸滅。觸滅則受滅。受滅則愛滅。愛滅則取滅。取滅則有滅。有滅則生滅。生滅則老死憂悲苦惱滅。」滅之一字。可以收盡小乘之理。而無遺。所謂涅槃。亦卽在是。要其所證之果。不過爲聲聞爲緣覺。去菩薩尙遠。去佛則尤遠。所謂大乘者何。從大乘體。起大乘用。由大乘用。證大乘果。詳言之。雖華嚴十萬偈不能盡。略言之。以教化衆生。明心見性爲旨歸。以無上正遍知爲極則。古德有言曰。自覺覺

他。覺行圓滿。佛字之義。點滴不漏。可深長思也。

若子猶疑吾說。試再舉五時之教。約略以言。佛初成道。於三七日。說華嚴經。即前所謂大乘教是也。時衆生根機未熟。如聲如啞。古德譬之。全生如乳。其次則說四阿含。思以因緣生滅之法。轉凡成聖。即前所謂小乘派是也。古德譬之。轉乳成酪。其次則說方等諸經。彈偏斥小。歎大褒圓。古德譬之。轉酪成生酥。其次又說般若。會一切法。皆摩訶衍。非有非空。古德譬之。轉生酥成熟酥。其終則說法華。開權顯實。三乘一乘。仍不外一乘華嚴圓乘之旨。古德譬之。轉熟酥成醍醐。由是以言。子之所執灰身滅智。僅當佛說阿含四部。在佛教中。實爲權說。我佛之本旨。不如是也。我佛本旨之深切著明者。莫如華嚴如來出現品云。「爾時如來。以無障礙清淨之智眼。普觀一切衆生。而作是言。奇哉奇哉。此諸衆生。云何具有如來智慧。愚癡迷惑。不知不見。我將以聖道。使其永離妄想執著。於自身中。見如來廣大智慧。與佛無異。即使後之諸生。修習聖道。離諸妄想。妄想離已。證得如來無量智慧。」故知佛是已悟之衆生。衆生是未悟之佛。一念迷。卽佛是衆生。一念悟。卽衆生是佛。心佛與衆生。三者無差別。只在悟與未悟而已。菩薩知其然也。於是乎自覺覺已。還須覺他。惟其自覺覺他。而後大智大悲大願之旨。如日月經天。如山河緯地。何謂大智。一切智。道種智。一切種智是。卽以已所證得。開爲八萬四千法門。化導羣品。何謂大悲。拔一切苦。予究竟樂。若禹稷之人。飢已飢。人溺已溺。猶不足盡其量。何謂大願。世界無盡。衆生無盡。我願無盡。觀音之願。願度盡東土。而後成佛。地藏之願。願度盡地獄。而後成佛。普賢願王。尤爲無量無邊。不可思議。入法界品云。「爾時妙德撞佛。於一切世界。隨其所應。轉正法輪。令無量衆生。離惡道苦。無量衆生。生人天中。立無量衆生。於聲聞緣覺之地。立無量衆生。於勇猛精進菩薩之行。立無量衆生。於離垢幢精進菩薩之行。立無量衆生。於平等諸力菩薩之行。立無量衆生。於一向專求入正法城菩薩之行。立無量衆生。於至一切不可破

壞神力自在菩薩之行。立無量衆生。於一切方便菩薩之行。立無量衆生。出生菩薩三昧。安住菩提。立無量衆生。修一切淨行。安住菩提。立無量衆生。發菩提心。立無量衆生。住菩提道。立無量清淨諸波羅密。立無量衆生。於菩薩初地。乃至立無量衆生。於菩薩十地。立無量衆生。於菩薩大願殊勝之行。立無量衆生。於普賢菩薩清淨行。何以故。如來轉不可謂議自在法輪故。我輩凡夫。幸生今世。得聞佛法。勿論爲出家。爲在家。必熟誦華嚴此文。然後可衣如來衣。坐如來坐。不然身出家。而心不出家。不得爲眞佛子。卽心出家矣。但知自度。不知度人。但知自利。不知利他。亦豈爲眞佛子乎。

或猶有疑。前不離塵緣。宏法較易之說者。余試再進一解。如來本性。譬若大圓鏡。不變隨緣。隨緣不變。寂而常照。照而常寂。任舉一法。無非法界。一色一香。無非中道。古德之言。至詳且盡。我輩果具菩薩心腸。何必出家。何必出家。在一鄉則利一鄉。在一邑則利一邑。在一國則利一國。在世界則利世界。如是大智。如是大悲。如是大願。方不負我佛宏法深旨。況菩薩因衆生而有。無衆生卽無菩薩。菩薩原不住滅度衆生之相。而要不能不存一滅度衆生之願。出世卽入世。離塵卽在塵。煩惱卽菩提。酒肆淫舍卽道場。故曰宏法較易也。雖然。吾之所以嘵嘵不已者。深盼我佛門弟子。以精神學佛。不以形式學佛。以精神學佛。則卽事卽理。卽理卽事。在華嚴卽爲事理無礙法界。事事無礙法界。倘或署名居士。假借余言。口口談佛。念念非佛。則不肖尙墮拔舌地獄矣。噫嘻。余欲無言。

不讀華嚴。不知圓融無礙之理。不見如來願力之宏。論中廣引經文。意蓋有在。有志修習圓乘者。何不一習賢首宗。自注

漢口佛教會

海潮音雜誌

大獎贈

本刊爲振興佛法起見。凡有向本刊通函討論研究及投稿者。無論文之雅俗深淺通塞。或稿件。或函件。或專著。或通論。或傳記。或調查。及評論等。無論本刊承認登否。祇要稍有佛法上研究之價值。一經本刊收到。卽酌量將本刊獎贈一期。或數期。或全年。或數份。其多寡視來件之研究勤否而定。決不食言。唯其原稿。概不退還。卽其反對者。亦有獎贈。以昭公允。惟白函作罷。此佈。

本刊編輯所在杭州西湖彌勒院



佛教之僧自治

悲華

(一) 佛教之僧

梵語僧伽。括其總義。應譯爲「清淨和合衆」。『大乘僧』義。遍九法界之衆生皆是。非今所論。今專論「釋迦世尊人間化儀中之僧」。但包括依出家律儀而清淨和合之五衆而言。其在家之正信士女不列居焉。所云出家五衆者。卽苾芻、苾芻尼、室叉摩那尼、沙彌、沙彌尼之五衆是也。此之五衆雖同爲出家之佛子。然以兩種原由。成此區別。

(甲) 由業果而成之區別

(子) 苾芻……沙彌

(丑) 苾芻尼……室叉摩那尼……沙彌尼

(乙) 學級而成之區別

(子) 苾芻……高

(丑) 苾芻尼……高

(寅) 室叉摩那尼……中級

級

象王行 佛教之僧自治